

Հայաստանի նորությունները

ՈՒՂԵՐԶ ՏԱՐԱԾՔԻ ՆԱԽԱԳԱՀՈՒԹՅՈՒՆՆԵՐ

Պահել պատվիրանները

Նախագահ Փեր Գ. Մալմ, ԱԵՏ 2 թղ խորհրդակալան

Սարգարե Ջոզեֆ Մմիթի միջոցով Հիսուս Քրիստոսի Վերջին Օրերի Սրբերի Եկեղեցու վերականգնումը ներառում է Հիսուս Քրիստոսի կողմից քարոզված վարդապետությունների և սկզբունքների վերականգնումը իրենց անաղարտ տեսքով, երբ Նա քայլում էր երկրի վրա՝ Նրա անունով գործելու քահանայության իշխանության և անհրաժեշտ բոլոր բանալիների վերականգնումը, որոնք անհրաժեշտ են Իսրայելի Տունը հավաքելու և ծեսերն ու ուխտերը սպասավորելու և մեր Երկնային Հոր մոտ վերադառնալու համար:

Մենք իսկապես արտոնված ենք ապրելու այս շատ հատուկ ժամանակաշրջանում, երբ մեզ առաջարկված է ճաշակել ճշմարտությունը, մտնել ուխտերի մեջ և ապրել Աստծուն հաճելի կյանքով: Մենք ցույց ենք տալիս մեր պատրաստվածությունը մեր ցանկության, մեր հավատքի և մեր գործերի միջոցով: Մեր վկայությունը և մեր հանդեպ Աստծո սերը զգալու և մեր մերձավորին սիրելու մեր ունակությունը կարևոր են, որպեսզի մենք լցված լինենք ցանկությամբ՝ հավատարիմ լինելու մեր կապած ուխտերին և հրավիրելու մյուսներին գալ դեպի Քրիստոսը:

2010թ. հոկտեմբերի գերագույն համաժողովի «Հավատքի և բնավորության փոխակերպող գործությունը» վերնագրով իր ելույթում, Երեց Ռիչարդ

Գ. Սքոթը հետևյալն ասաց վկայության և մեր կյանքում դրա ազդեցության մասին. «Վկայությունն ամրանում է հոգևոր տպավորություններով, որոնք հաստատում են ուսմունքի, արդար գործի ճշմարտացիությունը: Հաճախ նման առաջնորդությունը ուղեկցվում է հզոր զգացմունքներով, որոնք արցունքներ են բերում և դժվարացնում խոսելը: Սակայն վկայությունը զգացմունք չէ: Դա բնավորության էությունն է, հյուսված թելերից, որոնք սկիզբ են առել անթիվ ճիշտ որոշումներից: Այդ ընտրություններն արվում են վստահող հավատքով այն բաների հանդեպ, որոնց հավատում ենք, սակայն որոնք չենք տեսնում: Ամուր վկայությունը տալիս է խաղաղություն, հանգստություն և վստահություն: Այն առաջացնում է համոզմունք, որ եթե հետևողականորեն հնազանդվենք Փրկչի ուսմունքներին, կյանքը սքանչելի կլինի, ապագան՝ ապահով, և մենք ունակություն կունենանք հաղթահարելու մեր ճանապարհին հանդիպող դժվարությունները»: Նման վկայությամբ մենք կարող ենք հավատքով առաջ շարժվել մեր սեփական փրկության աշխատանքում և օգնել մյուսներին անել նույնը:

Ազատ ընտրության հավերժական սկզբունքը կապված է մեր անձնական պատասխանատվության հետ՝ թե ինչպես ենք մենք ապրում և պատվում մեր ուխտերը, որոնց մեջ մտնել

ենք: Մենք գիտենք, որ Աստված միշտ հավատարիմ կլինի մեզ տրված Իր խոստումներին: Այսպիսով, թե ինչպես կիրականանան այդ խոստումները, կախված է իրականում ձեզանից և ինձանից: Անշուշտ, ճանապարհին դժվարություններ կլինեն: Ինչևէ, հավատարիմներին տրված խոստումն այն է, որ մենք կկարողանանք դիմանալ մինչև վերջ: Իր ելույթում Երեց Սքոթը նշել է հետևյալը. «Դեր չի տոնի հաղթանակ: Անգամ այժմ նա ստիպված է գործել Տիրոջ կողմից դրված սահմաններում: Նա չի կարող վերցնել որևէ օրհնություն, որը վաստակված է: Նա չի կարող փոխել բնավորությունը, որը հյուսված է արդար որոշումների թելերից: Նա չունի գործություն քանդելու հավերժական կապերը, որոնք արվել են սուրբ տաճարում ամուսնու, կնոջ և երեխաների միջև: Նա չի կարող թուլացնել իսկական հավատքը: Նա չի կարող վերցնել ձեր վկայությունը: Այո, այդ ամենը կարելի է կորցնել, եթե տրվենք նրա գայթակղություններին: Սակայն նա ինքնուրույն իր մեջ դրանք կործանելու գործություն չունի»: Ըմբռնելով այն գործությունը, որը մեզ տրված է գայթակղությանը դիմակայելու համար, մենք կարող ենք հավատարիմ մնալ մեր ուխտերին: Դա կպահանջի հնազանդություն և մեր վկայությունների շարունակ սնուցում: Բայց խոստումը տրված



Նախագահ Փեր Գ. Մալմ

է: Այնպես որ, դուք և ես ենք վերահսկում այդ ընթացքը:

Թող որ ուխտերը պահելու մեր ձգտման մեջ մենք միշտ անուցենք մեր վկայությունները և զարգացնենք արդար բնավորություն, որը լի է

ազնվությամբ: Այդ ժամանակ մենք կտեսնենք, որ իսկապես սատարվում ենք ի վերուստ տրված զորությամբ»:

«Եվ եղավ այնպես, որ ես՝ Նեփիս, տեսա Աստծո Գառի զորությունը, որ այն իջավ

Գառի եկեղեցու սրբերի վրա և Տիրոջ ուխտյալ ժողովրդի վրա, որոնք ցրված էին ողջ երկրի երեսին. և նրանք զինված էին արդարությամբ և Աստծո զորության մեծ փառքով» (1 Նեփի 14.14): ■

ՏԵՐԱԿԱՆ ՆՈՐՈՒԹՅՈՒՆՆԵՐ

Աջափնյակ ճյուղի համաժողովը

Հասավիրա Մինասարայան, Երևան ճյուղ

2012 թվականի փետրվարի 20 ին տեղի ունեցավ Աջափնյակ ճյուղի համաժողովը: Համաժողովին ներկա էին Տարածքային Յոթնաստունական Արայիկ Մինասյանը, Միսիայի Նախագահությունը և շրջանի նախագահությունը: Մեր առաջնորդների խոսքը հազեցված էր Սուրբ Հոգով և նրանց ելույթներից մենք շատ բան սովորեցինք և հոգեպես սնվեցինք: Հաղորդության ժողովին ճյուղի նախագահ՝ նախագահ Խաչատրյանը անդրադարձավ ճյուղի խնդիրներին և դրված նպատակներին և հատկապես կանգ առավ միսիոներական աշխատանքի վրա, նշելով, որ իրենք նպատակ են դրել ավելացնել մկրտությունների թիվը գործադրելով ջանքեր գտնելու մարդկանց և կիսվելու իրենց վկայությամբ և լավ օրնակ ծառայելու շրջապատում: Այնուհետև խոսեց Նախագահ Քարտերը խոսելով արքայության կառուցման մասին Հայաստանում: Նա ասաց, որ երբ կառուցվում էր Սուրբ Լեյքի տաճարը մարդիկ կտրում էին հսկայական գրանիտե քարեր և բերում Սուրբ Լեյք և տեղադրում Տաճարի հիմքում: Երբ մի անգամ Նախագահ Յանգը հետազոտում էր քարերը, նա տեսավ, որ այդ քարերից մի քանիսը ճաքեր ունեին: Նա ասաց, որ պետք է այդ քարերը հանվեին, որոնք շինարարներն այնքան մեծ դժվարությամբ տեղադրել էին հիմքում: Նրանք ասացին, որ դժվար կլինի անել, բայց նա պատասխանեց, որ Տաճարը պետք է կանգուն մնա մինչև Հիսուս Քրիստոսի գալուստը, իսկ այն չի դիմանա, եթե կանգնած լինի ճաքած քարերի վրա: Սա խիստ խորհրդանշական է Եկեղեցու



Աջափնյակ ճյուղի համաժողովը

համար: Նա ասաց, որ Եկեղեցին Հայաստանում հիմնադրելուց ի վեր այնքան շատ մարդիկ են եկել, բայց նրանք այժմ այստեղ չեն: Եկեղեցու անդամներն այն քարերն են, որոնք կազմում են Եկեղեցին և նրանք պետք է ամուր լինեն առանց ճաքերի, որպեսզի դիմանան Հիսուս Քրիստոսի գալուստյան ժամանակ:

Յոթնաստունի անդամ Արայիկ Մինասյանը Տարածքի Յոթնաստունից, սկսեց իր խոսքը բացատրելով, թե որքան կարևոր է կարգապահությունն ու ինքնակարգապահությունը: Նա մեզ բողոքիս հորդորեց կատարելագործվել ամեն օր, մի քիչ ավելի լավը դառնալ քան երեկ, իսկ վաղը ավելի լավը քան այսօր: Հաղորդության ժողովում ակնածանքի և լռության անհրաժեշտությունը կարևոր է, որպեսզի Հոգին ներկա լինի: ճշտապահությունը կարգապահության ձևերից մեկն է և Աստված մեզանից սպասում է

կարգապահություն, քանի որ Նրա տունը կարգ ու կանոնի տուն է:

Հաջորդ թեման, որի մասին նա խոսեց ճյուղի խորհուրդներն էին, որոնք մեծ օգնություն են քահանայության ղեկավարների համար, որպես միջոց, որոնք միավորում են ժողովրդին և լուծում շատ հարցեր: Մեր Եկեղեցու Մարգարեն խորհուրդ է անում իր խորհրդականների և 12 Առաքյալների հետ: Ճյուղի նախագահները պետք է կանոնավորապես խորհուրդներ հրավիրեն իր խորհրդականների և մյուս բոլոր օժանդակ կազմակերպությունների ղեկավարների և լիաժամկետ միսիոներների հետ: Յուրաքանչյուր ժողովից առաջ նրանք բոլորով պետք է աղոթեն և մտածեն հոգիների փրկության մասին: Խորհուրդները պետք է ունենան օրակարգ և ժողովը պետք է տևի ոչ ավելի քան 60 90 րոպե: Յուրաքանչյուր խոսող պետք է իմանա, թե քանի րոպե կարող է խոսել, բավականաչափ ժամանակ ունենալու բոլոր մասնակիցների և օրակարգի բոլոր հարցերի համար: Նախագահությունները պետք է խորհուրդ ներկայացնեն այն հարցերը և խնդիրներն ու պահանջները, որոնք լուծումներ են պահանջում: Օրինակ, եթե ճյուղի նախագահը տեսնում է, որ ինչ որ մեկը ոչ ակտիվ է դառնում, նա պետք է մտածի խորհրդի մյուս անդամների հետ, թե ինչպես օգնի այդ եղբորը կամ քրոջը, քանզի միմյանց օգնելով միայն կարող ենք փրկության հասնել: Ճյուղի նախագահի ծառայությունը ավելի հաջողված կլինի, եթե Եկեղեցու անդամներն աջակցեն և օգնեն նրան:

Երեց Մինասյանը խոսեց նաև միսիոներական աշխատանքի մասին, որի հաջողությունը կրկին լիաժամկետ միսիոներների և Եկեղեցու անդամների միասնության մեջ է: Այժմ ամենաթանկ բանը ժամանակն է և այն ճիշտ տնօրինելու համար մենք պետք է ճիշտ բաշխենք այն: Երեց Մինասյանը հիշեցրեց մեզ առաջինը դնել ընտանիքը, երկրորդը աշխատանքը և երրորդը Եկեղեցին և մեր ծառայությունները: Եթե այցելենք ոչ ակտիվ անդամներին, դա դառնում է մեր ներդրումը միսիոներական աշխատանքի մեջ: Այդ անելիս կարևոր է հիշել սիրտ և հարգանքի սկզբունքները, և խուսափել քննադատությունից: Իր ելույթի վերջում Երեց Մինասյանը ոգեշնչեց եղբայրներին և քույրերին օգնել նրանց, ովքեր կարիքի մեջ են՝ իմաստությամբ օգտագործելով բարօրության ծրագիրը, լինել ուրախ և լսանդավառ, քանի որ Աստծո շնորհը մեզ հետ է: ■

ՎՕՍ բժիշկների կողմից նորածինների վերակենդանացմանը նվիրված սեմինարներ Երևանում

Մարգարիտա Այվազյան, Երևան ճյուղ

Մի խումբ բժիշկներ 2012 թվականին բժիշկների և քույրերի համար սեմինարներ անցկացրեցին նորածինների վերակենդանացման վերաբերյալ: Ավելի քան 35 բժիշկներ և քույրեր հնարավորություն ունեցան ոչ միայն ուսուցանվել, այլ նաև պրակտիկա ձեռք բերել մանեկենների վրա՝ փորձառություն ստանալու համար: Այդ բժիշկների խմբում էին բժիշկ Ջորջ Բեննեթը, բժիշկ Դոննա Դիզոն Թաուսոնը և բժիշկ Քարոլին Ռիչ Դենսոնը:

Բժիշկ Ջորջ Բեննեթը՝ թոշակի անցած անեստեզիոլոգ և նրա կինը՝ Մարսիան, նորածինների վերակենդանացման ուսուցողական ծրագրերի մասնագետներ են, ովքեր հովանավորվում են Եկեղեցու կողմից: Անցած ութ տարիների ընթացքում նրանք հիմնադրել են ուսուցողական ծրագրեր արևելյան և կենտրոնական Եվրոպայում՝ աշխատելով Թուրքիայում, Ուկրաինայում, Ռուսաստանում, Ռումինիայում, Ալբանիայում, Մերթիայում, Բոսնիայում, Հայաստանում, Կազախստանում, Կիրգիզիստանում, Վրաստանում, Մակեդոնիայում, Մոնտենեգրոյում և Տաջիկստանում, ինչպես նաև Եթովպիայում, Աֆրիկա: Նրանք սիրում են աշխատել բժիշկների, մանկաբարձների

և քույրերի հետ, և ուսուցանել նրանց այն հմտությունները, որոնք նրանց անհրաժեշտ են՝ փրկելու այն մանկիկներին, որոնք ծնվելուց հետո չեն շնչում: Նրանց համար սքանչելի օրհնություն է իրենց կյանքում հանդիպել այդքան շատ հիանալի մարդկանց, ովքեր ցանկանում են օգնել մանկիկներին և ընտանիքներին: Նրանք իրենք ունեն չորս երեխա և ինը թոռ:

Բժիշկ Դոննա Դիզոն Թաուսոնը պերինատոլոգ է և հոգ է տանում կանանց, ովքեր հղիության ընթացքում բժշկական և մանկածնության հետ կապված բարդություններ են ունենում: Նա բժշկական պրակտիկայով է զբաղվում ինչպես Յուտայի հովտի շրջանային բժշկական կենտրոնում Դրովոյում, Յուտա, այնպես էլ Յուտայի Համալսարանում Մոյթ Լեյթ Սիթիում, Յուտա, որտեղ նա պրոֆեսորի օգնական է: Նրա հետազոտական հետաքրքրությունները ներառում են հղիության բարդությունների մոլեկուլային ասպեկտները: Նա բավականություն է ստանում ճանապարհորդելով ողջ աշխարհով մեկ և ուսուցանելով նորածինների վերակենդանացման մասին և հանդիպելով այլ մարդկանց հետ: Նա երկու երիտասարդների մայր է:



Մի պահ ուսուցումից

Բժիշկ Քարոլին Ռիչ Դենտը պատմեց իր մասին: «Ես հետաքրքրվում էի բժիշկ դառնալու մասին երեխա ժամանակից ի վեր: Հայրս մանկաբույժ էր և շատ էր քաջալերում ինձ հետևել իր մասնագիտությանը: Ես սովորեցի մանկաբուժություն, ապա որոշեցի շարունակել դառնալով նորածինների մասնագետ և ներկայումս աշխատում եմ Մակքեյ Դի հիվանդանոցում, Օգդենում, Յուտա: Ես սիրում եմ այն, ինչ անում եմ և հաճույքով եմ գնում աշխատելու

ամեն օր: Չկա ավելի հրաշալի բան, քան հենց նոր երկնքից եկած մանկիկների և նրանց ծնողների հետ աշխատելը: Ես ունեմ 4 երեխա և 3 թոռ: Ես իսկապես բավականություն ստացա աշխատելով հրաշալի մարդկանց հետ Հայաստանում և ես միշտ կպահեմ դա իմ հիշողության մեջ: Այս հիանալի մարդկանց ծառայելու լավագույն պարզևստությունը կլինի բազմաթիվ փրկված կյանքերը և բազում երջանիկ ընտանիքները Հայաստանում»: ■

Սփոփող Միության 170-րդ տարեդարձը

Հայարփի Մանուկյան, Արտաշատ ճյուղ

Շաբաթ օրը՝ 2012 թվականի մարտի 17 ին, Արևելյան Եվրոպայի տարածաշրջանի բոլոր միասններում և ցցերում տեղի ունեցան Սփոփող Միության համաժողովներ, որոնք նվիրված էին այդ կազմակերպության ստեղծման 170 ամյակին: Հորելյանական ժողովի կարևոր մասը դարձավ ողջ արևելաեվրոպական տարածքում երեք քույրերի ելույթների հեռարձակումը Եկեղեցու բարձրագույն ղեկավարությունից, ովքեր ներկայացնում էին Սփոփող Միությունը, Երիտասարդ Կանանց կազմակերպությունը և Երեխաների Միությունը: Ալինալո Է, որ այս երեք կազմակերպությունների ջանքերն ուղղված են այն բանին, որ օգնեն կանանց բացահայտել իրենց Աստվածային ներուժը: Հայաստան Երևան շրջանի Սփոփող Միության միջոցառումը, որը նվիրված էր Սփոփող Միության ստեղծման 170 ամյակին տեղի ունեցավ Արաբկիր ճյուղում: Դեկավարները նպատակ էին դրել յուրաքանչյուր քրոջ սրտին հասցնել Եկեղեցում կնոջ դերի և ծառայության կարևորությունը: Միջոցառման նպատակն էր նաև քույրերի մերձեցումը և թույլերի և պասսիվ անդամների հոգևորության բարձրացումը: Երևանի Արաբկիր ճյուղում հավաքվել էին քույրեր յոթ ճյուղերից, իսկ Գյումրիում և Վանաձորում միաժամանակ անցկացվում էին միջոցառումներ: Ամենուր տիրում էր ջերմ ընկերական մթնոլորտ, քույրերին մտերմացնում էր Քրիստոսի զբառատ սերը: Միջոցառման ժամանակ տեղի ունեցավ քույրերի տաղանդների ցուցադրում: Միջոցառմանը ներկա էին Շրջանի Նախագահության ներկայացուցիչներ: Շրջանի Նախագահության Երկրորդ Խորհրդակալան Ս. Այվազյանը խոսեց ընտանիքի, կնոջ դերի մասին և հորդորեց, որ քահանայությունն աջակցեն սիրով և ընտանիքում ցույց տան հարգանք և ըմբռնում քահանայություն կրողների հանդեպ: Նա մեջբերեց Վեճի 25.5 հատվածը, որտեղ ասվում է Էմմա Մմիթին. «Եվ քո կոչման պաշտոնը կլինի մխիթարել իմ ծառային՝ Ջոզեֆ Մմիթ կրտսերին՝ քո ամուսնուն իր չարչարանքների մեջ, սփոփել խոսքերով, հեգույթան հոգով»: Նա նշեց, որ այս հորդորը վերաբերում էր ոչ միայն Էմմա Մմիթին, այլ մեր բոլոր կանանց, որովհետև առանց

կանանց աջակցության ոչինչ չի ստացվի ոչ ընտանիքում, ոչ էլ Եկեղեցում:

Քահանայությունը կանանց կարիքն ունի Եկեղեցում, նրանց սերն ու գթությունը և հավատարմությունը կարող են հրաշքներ գործել: Յուրաքանչյուր կին շատ թանկ է Աստծո համար, նրանք Աստծո դուստրերն են և Նա սիրում է և հոգ տանում նրանց: Վերջում քույրերը մեծ հետքորթությամբ դիտեցին Քույր Վիքտորի, Քույր Դավտոնի և Քույր Բեթի ելույթները: Նրանց ոգեշնչված և սիրով լցված ուղերձները օգնեցին շատ քույրերի զորացնել իրենց վկայությունները: ■

Սինի քույրերը երգում են



Քույրերը շփվում են միմյանց հետ ջերմ ընկերական մթնոլորտում:

Ցիցը իբրև ապահով ապաստան՝ անսասան վրան

Հովիկ Հովհաննիսյան Աջափնյակ ճյուղ

Երբ ես շրջանի երիտասարդ տղամարդկանց նախագահն էի, մենք 12-18 տարեկան տղաների ինչպես նաև աղջիկների համար ճամբար էինք կազմակերպում: Այդ միջոցառումը նպատակ ուներ ամրացնելու երիտասարդների վկայությունը վերականգնված ավետարանի մասին, նախապատրաստելու երիտասարդներին միսիա գնալու, ինքնուրույնություն և տարբեր հմտություններ սովորելու: Ճամբարում բոլորն ապրում էին վրաններում. և ըստ ծրագրի՝ երիտասարդներն ինքնուրույն պետք է կանգնեցնեին վրանները: Նրանք, ովքեր մի քանի անգամ էին եղել ճամբարում, դա կարողանում էին անել հեշտությամբ, իսկ ովքեր առաջին անգամ էին դա անում, դժվարանում էին և մեծահասակներից խորհուրդներ էին հարցնում:

Ճամբարներից մեկի ժամանակ չորս տեղանոց մի վրան պետք է կանգնացնեին Գյումրի ճյուղի երիտասարդները: Նրանց մեջ կար մի հրաշալի, բայց չարաճճի մի տղա, որն առաջին անգամն էր եկել ճամբար և դեռ նման փորձ չուներ: Տղաները փորձում էին ինքնուրույն կանգնացնել վրանը և ես կանգնած դիտում էի նրանց: Ես նկատեցի, որ այդ տղան իր վրա էր վերցրել ղեկավարի դերը, իսկ մյուսները հնազանդ անում էին այն, ինչ որ նա էր ասում: Նա պատվում էր վրանի շուրջը, խորհուրդ էր տալիս մյուս անդամներին, որ այս պարանը ձգեին, այն պարանը ձգեին, բայց արդյունքում վրանը քանդվում էր: Բոլորն արդեն կանգնեցրել էին իրենց վրանները, բայց այս թիմը դեռ տանջվում էր: Մեր սպորտային ղեկավարի հետ մենք մոտեցանք տղաներին և դանդաղ՝ քայլ առ քայլ սկսեցինք բացատրել, թե ինչպես է կառուցվում վրանը՝ սկզբից կանգնեցնում են 2 կենտրոնական ցցերը, որը պահում են 2 հոգի և հետո գետնի մեջ են խփում փոքր՝ եզրային ցցերը և պարանները ձգելու միջոցով կանգուն են պահում ողջ վրանը: Ընդ որում, ցցերը պետք է իրենց տեղում լինեն, իսկ պարանները՝ համաչափ ձգված, որպեսզի այն կանգուն և դիմացկուն լինի քամիներից, և որ անձրևի ժամանակ վրանի մեջ ջուր չլցվի: Մինչ

մենք բացատրում էիք նոր տղային, թիմի մյուս անդամներն ինքնուրույն կանգնեցրին վրանը: Ճիշտ է՝ ոչ այնքան կատարյալ, բայց այնուամենայնիվ, կանգնեցրեցին: Սակայն ես խնդրեցի, որ նրանք քանդեն և նորից կանգնեցնեն իրենց վրանը: Առանց տրտնջալու տղաները հնազանդվեցին և համբերատար աշխատեցին, մինչև ի վերջո, միասնական ուժերով շատ լավ վրան կանգնեցրեցին: Այս պատմությունը նման է ցից կառուցելու մեր ջանքերին: Ես այիայի Մարգարեությունում կարդում եմք. «Նայիր Միռնին, մեր տոնախմբության քաղաքին, քո աչքերը կտեսնեն Երուսաղեմը, իբրև ապահով բնակարան՝ անսասան վրան, որի ցցերը հավիտեան չեն շարժվի, և որի չվանները չեն կտրվի» (Եսայիա ԼԳ:20): Այստեղ Միռնը նմանեցվում է վրանի, որը ամրացված է չվաններով և ցցերով, և որն ապահով վայր է Աստծո ժողովրդի համար: Վարդապետություն և Ուվստերի 115.6 կետում ասվում է, որ «Միասին հավաքվելը Միռնի հողի վրա և նրա ցցերում, պաշտպանություն և ապաստան [պետք է] լինի փոթորիկից, ցատուվից, երբ այն անխառն կթափի ողջ երկրի վրա»: Այստեղ էլ սովորում ենք նույն սկզբունքը, բայց վերջին օրերի համար: Մեր օրերին Սրբերին խորհուրդ է տրվում կառուցել Միռնն այնտեղ, որտեղ նրանք ապրում են աշխարհում:

Վերջերս Տարածքային Յոթանասունական՝ Երեց Մինասյանն այցելել էր մեր ճյուղ: Նա մեզ ուսուցանում էր, որ չլքենք մեր բնակավայրերը և չզնանք տնտեսապես ավելի ապահով երկրներ՝ աշխատանքի և բարեկեցիկ կյանքի փնտրտություններով: Սա կարող է անհասկանալի թվալ, քանի որ մենք ունենք մեր ընտանիքները բարեկեցությամբ ապահովելու սուրբ պարտականություն: Սակայն ապահովության ու բարեկեցության համար պետք չէ հեռու գնալ: Բոլորս ուզում ենք, որ մեր երեխաները ապրեն ապահով վայրում, որ պաշտպանված լինենք ամեն չարիքից: Ես նույնպես ցանկանում եմ, որ մեր ընտանիքները՝ մեր երեխաները և թոռներն ապրեն ապահով վայրում, որտեղ ոչ «քամիները» և ոչ էլ «անձրևները» չեն սպառնա մեզ: Ես ուզում եմ, որ նաև Հայաստանի ժողովուրդն ապրի այդպիսի մի ապահով վայրում: Եսայիա ԾԴ.2-3 հատվածներում ասվում է. «Լայնացրու քո վրանի տեղը, և թող քո բնակարանի վարագույրները տարածեն, մի խնայիր, երկարացրու չվաններդ, և ցիցերդ պնդացրու: Որովհետև դու պիտի աջ ու ձախ տարածվես, և քո սերունդը պիտի ժառանգի ազգերին, և ավերակված քաղաքները շենացնելու են»: Մենք խոստում ունենք, որ «ավերակված քաղաքները շենացնելու են»: Դրա համար իմ մեծ ցանկությունն է, որ Հայաստանում Միռնի

Երիտասարդները սովորում են վրան կառուցել:



ԼՈՒՍՏԱՎԱՐԸ՝ ՎԱՐՈՒՄԸ, ՊՐՈՒՑՑԱՆԻ ԿՐՄՈՑ



Իմ տպավորությունը տաճարի մասին

Ջևարիկ Գևորգյան, Արաբկիր ճյուղ

Երբ տաճարում էի ես տեսա սուրբ գործեր, սուրբ դեմքեր, ծեսեր կատարողները՝ խոնարհ, ժուժկալ, և ես տեսա Աստծո տունը, զգացի Նրա քաղցրությունը, զգացի այն, ինչ ես չէի զգացել ամբողջ կյանքումս: Դա իրոք Աստծո տունն էր, ես նայում եմ ու տեսնում, որ մենք շատ բան ունենք անելու և ապաշխարհելու: Երեք հարյուր հոգի ծառայում էին տաճարում: Բոլորը շշուկով էին խոսում, խոնարհ, լուռ, եթե մենք չտեսնեինք, ոչ մի պատկերացում չէինք ունենա, որ տաճարում տիրում է այդ մթնոլորտը: Բոլորը սիրալիր, բարի, քաղցր խոսքերով էին մոտենում: Ես չգիտեմ՝ ես բառեր չեմ գտնում այդ վայելքի մասին պատմելու, որ ես վայելքի վեց օրում՝ տաճարում: Ես իմ վեց օրը անցկացրեցի աղոթքով և Տիրոջ չոզին վայելելով: Ուրեմն մենք պետք է լինենք հեզ, խոնարհ, անբիծ ու անարատ ինչպես Հիսուսն էր: Լինենք մի մարդ՝ մի հոգի, ինչպես Հիսուսն ասաց՝ սիրեք մեկը մյուսին ինչպես ես ձեզ սիրեցի:

Եկեք մենք էլ զինվենք Հիսուս Քրիստոսի հավատքով ու վահանով, որը Սուրբ Հոգին է, որ հաղթենք չարի ծրագրած փորձությունները և թույլ չտանք, որ գալիք փոթորիկը մեզ կտրի հավատքից:

Մորմնի գիրքը մեծ վկայություն է, Աստվածաշնչի լրիվությունն է, որով հիմա մենք սնվում ու աճում ենք հավատքի մեջ: Մա է ճշմարիտ հոգևոր կերակուրը, այս կյանքն ունայն է,



Ջևարիկ Գևորգյան

հարստությունը խոս է, ծաղիկ՝ այսօր կա, վաղը չկա: Եկեք գանձեր դիզենք երկնքում: Մենք պետք է պատրաստ լինենք Աստծո խոսքին ու հավատքին, մտքին ու ճամփին, լինենք պատրաստի զինվոր, դիմավորենք Քրիստոսի Երկրորդ Գալուստը, որ ամուրթով չլինենք: ■

Ջևարիկ Գևորգյանը գիտի, որ տաճարը Տիրոջ Տունն է:

ցից հաստատվի, որը կլինի «այն ապահով բնակարանը՝ անսասան վրանը, որի ցցերը հավիտեան չեն շարժվի, և որի չվանները չեն կտրվի»: Յուրաքանչյուր անդամ պետք է ոչ թե ձգտի լքել իր բնակավայրը, այլ իր ներդրումն ունենա այստեղ՝ Հայաստանում Միոնի կառուցմանը: Ես գիտեմ, որ մեր անդամները խիզախ մարդիկ են և կարող են դա անել: Այսօր մենք նման ենք այն երեխաներին, որոնք սրտանց ցանկանում էին վրան կանգնեցնել, բայց նրանց չէր հերիքում գիտելիքներ, փորձ, սեր, միաբանություն և էլի շատ բաներ: Ինչպես այդ երիտասարդները, ես զգում եմ, որ ունեմ սխալներ, բայց Եկեղեցու ղեկավարները, որոնք կանչված են Աստծո կողմից, ի սպաս են դնում իրենց ողջ ջանքերը, սերը և համբերատարությունը, որպեսզի մենք չսխալվենք և երջանիկ լինենք: Միշտ դժվար է անել ինչ-որ բան առաջին անգամ: Կարող են լինել հաջողություններ և սխալներ: Բայց ես գիտեմ, եթե մենք առաջնորդվենք մեր Տիրոջ կողմից՝ Սուրբ Հոգով և Եկեղեցու ղեկավարների ուղերձներով և խորհուրդներով, մենք կարող ենք բոլոր դժվարությունները հաղթահարել: Ես գիտեմ, որ Հիսուս Քրիստոսի Վերջին Օրերի Մրբերի Եկեղեցին Տիրոջ Եկեղեցին է: Ես վկայում եմ, որ մենք ունենք Մարգարե, որը կանչված է Աստծո կողմից Նրա զավակներին Իր խոսքը այս վերջին օրերին հայտնելու համար: Ես գիտեմ, որ աշխարհում չկա ավելի «ապահով վայր», քան Տիրոջ վրանը, որտեղ ապրում են «սրտով մաքուրները», որը Հիսուս Քրիստոսի Վերջին Օրերի Մրբերի Եկեղեցին է, որտեղ կա ապահովություն և բարեկեցություն: Թող որ բոլորս հետևենք հետևյալ հորդորին. «Վեր կացեք և շողացեք, որպեսզի ձեր լույսը չափանիչ լինի բոլոր ազգերի համար» (Տես ՎևՈՒ 115.5): ■

Մոր Աղոթքը

Նելլի Կարապետյան,
Արտաշատ ճյուղ

Մկրտվեց իմ դուստրը՝ Սառան: Ամբողջ 8 տարի էս սպասում էի այդ մկրտությանը: Հիմա պատմեմ այն հանգամանքները, որոնք ինձ ուղղորդեցին դեպի ՎՕՍ Եկեղեցի և ինչու էի ես սպասում իմ դստեր 8 ամյակին:

Երկար տարիներ ամուսնացած լինելով ես զրկված էի մայրության գերագույն շնորհից և կատարվեց այն հրաշքը, որ մեր Երկնային Հայրը շնորհել է կանանց՝ ես մայրացա . . .

Չավակս ծնվեց 2004թվականի հունվարի 6 ին, որն ըստ հայկական ավանդական եկեղեցու Հիսուս Քրիստոսի ծննդյան օրն է, սակայն երեխաս ծնվել էր թույլ և գունկում էր օրհասական վիճակում: Ես չգիտեի ինչպես չորացնել արցունքներս, քանի որ ծնվելուց հետո երեխայիս չէի տեսել: 10-րդ օրն էր և բուժող մանկաբույժն ասաց, որ գրեթե վերջին միջոցներն են գործադրում, որ երախայիս կարող է միայն հրաշքը փրկել:

Վեստրվա ժամ էր, ինձ հետ նույն հիվանդասենյակում պառկած էր մի կին ևս, որը նույնպես երեխա էր ունեցել: Երբ ես հուսահատությունից ձեռքերս էի կտրատում, նա ինձ հորդորեց ծունկ ծայել և դիմել Աստծուն: Ես միշտ խուսափել եմ բարձրաձայն աղոթելուց, սակայն հոգուս մեջ միշտ էլ հավատացել եմ և աղոթել: Ես և նա ծնկի իջանք և ես սկսեցի աղոթել. «Տեր Աստված, եթե ինձ լսում ես՝ մի նշան ուղարկիր, կապրի՞ արդյոք երեխասս թե ոչ . . .»: Հետո դարձյալ հուսահատ և կտրված սրտով սպասում էի,



ԼՈՒՍՏԱՎԱՐԸ: ԵՌՆՈՐ ԲԵՅՈՒՐ ԿՐՄԱՆՑ

Նելլին և նրա դուստրը՝ Սառան, երջանիկ են Եկեղեցու անդամ լինել:

միաժամանակ վախով և հույսով նայելով դստանը: Հանկարծ դուռը բացվեց և ներս մտան 2 երիտասարդ աղջիկներ՝ ինչ որ կրծքանշաններով, դրանք Վերջին Օրերի Սրբեր Եկեղեցու միսիոներներն էին, ովքեր պայմանագիր ունեին Արտաշատ քաղաքի ծննդատան հետ և փոքրիկ նվերներով շնորհավորում էին նոր ծնված փոքրիկներին: Նրանք ներս գալով իրենց քայլերն ուղղեցին ուղիղ դեպի ինձ և մոտենալով տվեցին նորածինների համար նախատեսված փոքրիկ նվերը: Դա հենց իմ խնդրած նշանն էր: Ես կրծքիս էի սեղմել միսիոներների տված փոքրիկ կապոցը և արցունքներիս միջից իմ գոհությունն էի հայտնում Աստծուն պատասխանի համար: Ես այդ պահին առանց որևէ կասկածի գիտեի, որ իմ փոքրիկն անցել էր ճգնաժամը, որ հրաշքը տեղի էր ունեցել, որ իմ երեխսն ապրելու էր:

Երեխասս ապաքինվեց, ես

նորովի վայելեցի մայրության պարգևը: Երբ երեխասս 3 ամսական էր, սկսեցի հաճախել Եկեղեցի և մկրտվեցի: Դուստրս մեծացել է այս Եկեղեցում և սովորելով ավետարանի առաջնային սկզբունքները, նա պատրաստվեց և այս տարվա փետրվարին մկրտվեց: Մկրտվելուց հետո կիսվելով իր վկայությամբ, նա ասաց. «Բարև ձեզ հարգելի քույրեր և եղբայրներ, ես շատ ուրախ եմ, որ դուք այստեղ եք: Ես ուզում եմ, որ դուք իմանաք, որ այս Եկեղեցին ճշմարիտ է և եթե աղոթեք ամբողջ սրտով և հոգով, Աստված կլսի ձեր աղոթքը և կկատարի ձեր խնդրանքը»: Դստերս վկայությունը ցնցեց ինձ. ես հասկացա, որ Աստված գիտեր ինձ համար նախանշված ճանապարհը, Աստված տվեց այն ծրագիրը, որն իմն էր, ինչպես նաև իմ երեխայինը:

Հավատացեք և կտրվի ձեզ, թակեք և կբացվի ձեզ, որոնք և կգտնեք (Տես Մատթեոս Է.7): ■